



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisumut apeqqut imaattoq saqqummiuppara:

Naalakkersuisunut apeqqutit:

- 1. Cigaritsinik pujortartarnerup annikillisinniarnernani pinaveersaartitsinerit suut ingerlanneqarpat?**
- 2. Cigaritsinik pisiniarfinni ussassaarineq unitsinneqarsinnaava? (Tassa imatut paasillugu pisiniarfinni cigaritsi ilisivinni takussaajunnaarlutik toqqoqatinneqarlutik nioqutaalersillugit)**
 - a) Taamaassinnaappat arlaanni kingunerisinnaasai suuppat?**
- 3. Massakkut inatsit atuuttoq tassa 18-nik ukioqarlutik cigaritsinik pisiniarsinnaatitaaneq qummut killiffia qaffanneqarsinnaava? soorlu assersuutigalugu aatsaat 25-nik ukioqalernermi pisisinnaangorlutik?**
 - a) Taamaattoqarsinnaappat kingunerisinnaasaa suua?**
- 4. Cigaritsi peqquataalluni maannamut qassit toqqutseqarsimanersut ilisimaneqarpa? (kræft nappaat assigisaallu eqqarsaatigalugit)**
- 5. Pujortartartut ikiliartornersut imaluunniit amerliartornersut takussutissaqarpa?**

(Inatsisartunut ilaasortaq, Mette A-Hammeken, Naleraq)

Tunngavilersuut:

Ukiorparpassuarnik cigaritsi peqquataalluni kræfteqalissutaasartoq naluneqanngilaq toqqutaasarlunilu, pinaveersaartitsinerit sukkut tamaana takussaallutik ingerlanneqartarput, naluneqanngilaq ilaatigut peqqinnissaqarfik ikiuisartoq pujortarunnaarnissamut ikorfartuutaalluni aamma allaat cigaritsit qaavani ersarissumik atuarneqarsinnaavoq puannut aserorterisinnaasoq



Naleraq

toqqutaasinnaasorlu. Sorpassuarnut ajoqutaasoq naluneqanngilaq soorlu astmartunut ajoqutaasartoq, nikotin toqunartoq ueriffigineqartartoq il.il. Taamaakkaluartoq sulii pisiniarfinni piseqqusaarnerit ingerlapput, ukiorpassuarnilu pinaveersaartitsinerit ingerlagaluartut sulii pujortartarneq atugaasorujussuuvoq allaat meeqqani inuusuttuaqqanilu takussaasorujussuulluni. Isumaqarpunga pisaveersaartitsinerit naammassimanngitsut aamma isumaqarpunga sukannernerusumik iliuuseqarfigineqartariaqartoq.

Kissaatigaara ullut qulit iluini apeqquteqaatima akineqarnissaa.

.